



UNIVERSITÄTS-  
BIBLIOTHEK  
PADERBORN

**Io. Baptistæ Portæ Neapolitani Magiæ Naturalis Libri  
Viginti**

**Della Porta, Giambattista**

**Frankfurt, 1607**

Amatis rebus etiam animalia conuocantur. Cap. III.

---

[urn:nbn:de:hbz:466:1-70772](#)

(sed ego in mari Hadriatico vidi) amoris furore capitur. Fœminam piscator alligat, aut longa harundine, aut longo sparto, sed forma sit oportet, id est, pinguis; nam macilenta spernit, sic in littore salientem trahit, alias retia subsequens affert, obseruans quando accursum fit, dum igitur agitur fœmina, mares in eam feruntur libidinis furore exagitati, ille retia deiicit, & capit.

### *Scari captura*

Scarus piscium omnium ad Venerem inflammatissimus, causa capturæ est cupiditas inexplebilis in fœminam, ea non ignorantes rei pectoriæ peritissimi hoc modo ei insidias ponunt, ut comprehendentes fœminæ summum os ad tenuem funiculum alligent, eamq; viuam per mare trahant loco, in quem congregari solent, mares ad conspectam amatam libidinis furore feruntur, & contingere gaudent, osculum, vellicationem, aut aliud quodpiam furtum amatorium aucupantes, quum proxime ad nassam accesserunt, pector fœminam in nassam detrahit, quo simul influentes mares capiuntur. Oppianus.

### *Elephantorum captura*

Elephantis paratur fouea, ad eos aliciendos quatuor fœminæ concluduntur, unde mares cōcurrentes, foueam intrant, insidiantes, pontem detrahentes, elephantes conclusos capiunt, ex Æliano.

### *Luscinia captura*

Luscinia fœminæ in cauea cōclusa, aucupes voce simulata illudunt, voce mas accersit, ea conspecta circumvolat, & insidijs retium cadit.

*Amatis rebus etiam animalia conuocantur.*

### C A P . III.

SUNT & animalia, quæ sympathia quadam ab aliquarum rerum amore, aut animalium detrahuntur, quod aucupes animaduertentes ijs, pro illorum cibis vtuntur, ut dum ab amatis trahuntur, in manus venatorum incident. Vnde si quis scire cupit,

*Sargi quomodo capiantur.*

Insana quidem captura est. Sargi capras perdite amant, immo tanta insania feruntur, ut quum caprarum proximè littus pascentium vnius, aut alterius umbra in littore apparuerit, protinus gaudio exilientes, summo studio adnatent, ac saltu, non admodum ad saltandum idonei, capras contingere affectent, itaque voluptate gestientes, ad eas accedere student. Ex ijs igitur capiuntur, quæ tantopere desiderant. Vnde pescator caprinam pellem extractam cum cornibus induens, insidias parat, Sole à tergo relictō, atq; farinam caprino iure mā defactam, in eam maris partem spargit, vbi conuersate solent sargi, quibus tanquam philtro allecti accedunt, pellis assimilatae capræ conspectu permulcentur, farinā vescuntur. Vnde pescator multos capit, ex Aeliano. Opianus ita elegantissimè describit:

*Inuadit sargos caprarum mira cupido.*

Et paulò post:

*Astolida prado teclis sub tegmine capra,  
Temporibus summis duo cornua longa coaptas,  
Viscere caprino, simul & nidore farinam  
Commixtam ruminidas ponti demittit in undas:  
Gratis odor, pastor gratius, simulata capella  
Istos decipiunt, &c.*

*Perdices vt capiantur.*

Perdices vehementer ceruos amant, & eorum pelle decipiuntur, hoc modo. Si quis pelle cerui indutus, cornua capiti imponat, & furtim accedat, illæ verum ceruum esse ratæ, suscipiunt, coluntque eum, & accidente gaudent adeo, ut discedere ab eo nolint, ac si familiarem aliquem, & coetaneum adolescentem à longa peregrinatione reuersum viderent: hac benevolentia nihil quam laqueos ac retia lucrantur.

*Otidum aucupium.*

Otides ex auibus equorum studiosissimæ censentur, argumentum quod cætera animalia aspernantur, equum vero ubi aspicerint, magno statim gaudio ad ipsum advolantes appropinquare pergunt. Si quis equinam pel-

Item induerit, quotquot volet, venabitur: nam equorum studio captæ eò accedunt. Eadem ferè est

*Polyporum capture.*

Delectantur polypi olea arbore, cuius truncum brachijs amplexi sœpe comperiūtur. Deprehensi sunt etiam aliquando sicum arborē ad mare natam complexi, & ficos edentes, ut scribit Clearchus. Ob id piscatores oleæ ratum in mari demittunt, quo loco versantur polypi, bœsi mōra & citra labōrem polypos ramum amplexos trahet, quotquot voluerit. Oppianus ita festiuiter canit:

*Palladijs gaudet ramis felicis oliue*

*Polyptus, & glaucis folijs (mirabile dictu)*

*Corripitur. Deinde:*

*Talis amor frondis, vel tam furiosa cupido*

*Hunc capit, & tali pescator fraude peritus*

*In medium iactat plumbum, quod fronde renincit.*

*Pakkadis, at pescator ramos non remnit olini,*

*Sed seciam prendit frondem, nec deserit unquam.*

*In nauem traxit rami non vincia relaxat:*

*Non odit viridem iam iam moriturus oliuam.*

*Quibus sonis animalia afficiuntur. CAP. IV.*

**N**E c solum amore, sed etiam sonitu, & musica afficiuntur, & vnumquodque animal suo gaudet peculiaris sono. Et primò

*Delphinus cithara afficitur.*

Cuius symphonia maxime mulcetur, sic etiam & hydrauli sono. Hinc ab Herodoto primum, & ab alijs deinde celebratur historia, Arionem delphino insidente ad Tenaron esse fuisse: nam quum à Corinthijs in mare deturbaretur, impetravit, ut sumpta cithara, & carmine decantato in mare deiceretur, sed à delphino exceptum fuisse in Teneron transvectum, ut ex Oppiano habeatur.

*Lupus tibia mulcetur.*

Pythiocharis tibicen quum ad tibiam magna contentione incitatos numeros canceret, laporum impetum secessisse refert Elianus,